

Есік қорғанынан табылған алтын әшекейлер кешенін алтын және асыл металдар музейіне беру туралы

Қазақстан Республикасы Министрлер Кабинетінің қаулысы 1992 жылғы 20 қаңтардағы N 38

Алматы қаласында алтын және асыл металдар музейінің ұйымдастырылуына байланысты және Қазақстанның көркемдік мұрасын насихаттауды одан әрі жақсартып, қалың көпшілікке оның ашық болуын қамтамасыз ету, аса құнды өнер туындыларын сақтауға тиісті жағдайлар жасау мақсатында Қазақстан Республикасының Министрлер Кабинеті қаулы етеді:

1. 1970 жылы Алматы қаласына таяу Есік қорғанын қазу кезінде табылған біздің дәуірімізге дейінгі IV ғасырдың алтын әшекейлері "Алтын киімді адам" белгіленген тәртіп бойынша Қазақстан Республикасы Ғылым академиясының археология музейінің қорынан алтын және асыл металдар музейіне берілсін.

2. Шет елдерде көрме ұйымдастыру кезіндегі немесе басқа түрдегі коммерциялық операциялар есебінен алынған валюталық қаржы Қазақстан Республикасында белгіленген тәртіппен бөлісіледі, ал алтын және асыл металдар музейі мен Қазақстан Республикасы Ғылым академиясының арасындағы валюта қорларын қайта бөлісу мәселелеріндегі өзара қарым-қатынасы уағдаластық негізде құралады деп белгіленсін.

3. Қазақстан Республикасы Ғылым академиясының Археология институтына ертедегі алтын коллекцияларды зерделеуге ғылыми-методикалық басшылық жасау, сондай-ақ тарихи және көркем алтын бұйымдар туралы ғылыми монографиялар, альбомдар, буклеттер әзірлеу мен шығарылу жүктелсін.

4. Республикадағы және одан тысқары жерлердегі ертеде алтын көрмелеріне Қазақстан Республикасы Ғылым академиясының Археология институты мамандарының міндетті түрде қатысуы көзделетін болсын.

5. Қазақстан Республикасы Мәдениет жөніндегі мемлекеттік комитетіне Қазақстанның территориясында табылған және Мемлекеттік Эрмитаж бен еліміздің басқа да музейлерінің қорында жатқан зергерлік әшекейлерді республикаға қайтарып алып, алтын және асыл металдар музейіне өткізу жөнінде

шаралар қолдану тапсырылсын.

6. Қазақстан Республикасы Мәдениет жөніндегі мемлекеттік комитеті алтын және асыл металдар музейіне берілетін көркем бұйымдардың тиісінше есепке алынуын және олардың толық құжаттамалық әрі заттай сақталуына жағдай жасалуын қамтамасыз

етсін.

Қазақстан Республикасының
Премьер-министрі

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМК